



15. juni 2011

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquaqarpunga:

1. **2012-miit nunaqarfiit avinngarusimasullu kiffartuussineq tunngavigalugu nioqqutissanik pilersorneqarnissaat eqqarsaatigalugu, Naalakkersuisut isumaqatiginninniarnernik aallartitsererpat?**
2. **Isumaqatigiissutip maanna atuuttup imarisaa eqqarsaatigalugu, KNI-p sullissinera naammaginartumik naammassineqarsimava?**
3. **Aningaasanut Inatsimmi konto-mut 73.01.14-mut oqaasertaliussat tunngavigalugit, Naalakkersuisut piginneqatigiiffinnut allanut, kiffartuussinissamik isumaqatigiissuteqarsinnaapput, tamanna inuiaqatigiinnut iluaqataassappat, aammalu isumaqatigiissuteqarfigineqartoq suliassamik kivitsisinnaappat. KNI-p saniatigut misissorneqarnikuuva, ingerlatseqatigiiffimmik allanik suliassamik kivitsisinnaasoqarnersoq?**

(Inatsisartunut ilaasortaqa Olga Poulsen Berthelsen, Inuit Ataqatigiit)

### **Tunngavilersuut**

Nunaqarfiit avinngarusimasullu pilersorneqarnissaat eqqarsaatigalugu, Aningaasanut Inatsisikkut ukiumit 100 mio-t tikillugit tapiissuteqartarpugut, taakkunannga kr. 37 mio-nit nioqqutissanik pilersuineranut aammalu kr. 62,5 mio-nit usunik assartuineranut. Aningaasat amerlapput taamaakkaluartoq, maannanut ukiorpassuannortuni, nunaqarfinnut isorliunerusunullu pilersuinerput ajornartorsiutinik naammattoorinniffiujuarpoq.

Suinissaq qaninnerusoq ungasinnerusorlu eqqarsaatigalugit, kissaatiginarpoq ajornartorsiutip taassumap aqqiivigineqarnissaa. Taamaattumik pisariaqarpoq Naalakkersuisut, KNI A/S-imik isumaqatiginniniaqqilernerminni, KNI A/S-ip ullumikkornit pitsaanerusumik pilersuisinnaanissaminut aqutissiulluarneqarsinnaanissaa tunaartaralugu isumaqatiginninniartariaqartut.

Maannamut Pilersuisup pilersuinermini naammaginartumik, innuttaasullu pisariaqatitaat tunngavigalugit pilersuinerana naammagineqanngilaq. Suut pissutsit tassunga tunngaviunersut paasissallugit pisariaqarpoq. Pilersuisoq nunatsinni pinngitsoorsinnaangilarput, taamaattumillu sullissinermini atugassaat pitsaasuusariaqarput, aammalu pilersorneqartunit tatigineqarluni sullissisinnaasariaqarpoq.

Selskabit allat isumaqatigiissuteqarfigineqarsinnaanerata, aningaasanut inatsit tunngavigalugu periarfissaavoq. Taanna periarfissaq atorneqarsimanersoq, imaluunniit misissorneqarsimanersoq soqutiginaateqarpoq. Imaassinnaavoq pilersuineq eqqarsaatigalugu, angallataatigut periarfissat annikippallaalersimasut, allanillu suleqateqarnissaaq pisariaqalersimasoq.

Kissaatigissavara apeqququma ullut suliffiusut qulit iluanni akineqarnissaat.